

«Algo romántico»

Restitutu "el Güeyerosu"
ye bon rapaz, ye una pena
que sea un poco raposu
con so mora Filomena.

En diez años cortexando
entá nun tuvo el valor,
nin falando, nin cantando,
cha-y un piropu al so amor.

Ye un zamarru consumáu
que nun da a torcer el brazu
y faise'l desimuláu
si llega'l casu, el rapazu.

Cansá de tan pocu estilu,
Filomena esti día,
ensin llegar a reñilu
tando nel cine, decía:

- Yo sin ti nun soi vivir
y amira que yes brutu.

¿Eú nunca me vas dicir
dalgo romántico Tutu?.

- Romántico, - diz pensando
mientras mira a la so novia-
sólo me toi acordando
del acueductu Segovia.

Por poco más cai al suelu.

- Romántico - diz la neña-
no románico, cañuelu!.

¿Eás igual qu'una madreña!.

«Nel psiquiatra»

Eolos dies tien pesadilles
y claro, duerme mui mal
y pa evitalo, el chaval
toma un sacu de pastilles.

Pensó en pone-y solución
a esti problema de veres,
y coyó'l Vasco pa Mieres
y fué a un psiquiatra Linón.

En cuantu-y tocó la vez,
pünxose frente al dotor
y díxo-y: - A ver señor
lo que tengo, que-y paer.

Y empiezo cuntar Linón:

- Blevu dos meses suañando
que mio suegra, cabalgando
vien a verme nun dragón.

- Escucha'l dotor atentu.-

Esos güeyos colloraos
que tán en sangre encetaos
y rellumen con el vientu.

Esa pelleya d'escames
y esos dientes afilaos
que se ven enringleraos
numa boca chando llames...

Diz-y el psiquiatra a Linón:

- Eá dexándome plasmáu.

Y esti diz: - Va usté arregláu
cuando-y describa'l dragón.

Fernando Suárez Albala